

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u skladu sa Odlukom o privremenom finansiranju Zeničko-dobojskog kantona za period januar - mart 2019. godine (“Službene novine Zeničko-dobojskog kantona”, broj: 18/18), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na 181. sjednici održanoj dana 25.03.2019. godine, d o n o s i

ODLUKU

o odobravanju sredstava za nastavak finansiranja projekta „Pružanje mobilne kućne njege i pomoći u kući za stara i iznemogla lica smještena u objektima Radakovo i Crkvice“ za period januar-mart 2019. godine

Član 1.

(Predmet)

Odobravaju se JU „Penzionerski dom sa stacionarom“ Zeničko-dobojskog kantona sredstva u iznosu od 8.750,00 KM (slovima: osahiljadasedamstotinapedeset konvertibilnih maraka), na ime finansiranja projekta „Pružanje mobilne kućne njege i pomoći u kući za stara i iznemogla lica smještena u objektima Radakovo i Crkvice“, za period januar – mart 2019. godine.

Član 2.

(Analitička konta)

Sredstva iz člana 1. ove odluke isplatit će se po Odluci o privremenom finansiranju Zeničko-dobojskog kantona za period januar - mart 2019. godine („Službene novine Zeničko-dobojskog kantona”, broj: 18/18), razdjel 20, budžetska organizacija 01, potrošačka jedinica 0001, ekonomski kod 614200, subanalitika KAD 201, pozicija Budžeta: „Izdaci za raseljena lica“.

Član 3.

(Uplata sredstava)

Odobrena sredstva će se uplaćivati na račun JU „Penzionerski dom sa stacionarom“ Zeničko-dobojskog kantona broj: 134-010-0000366780 otvoren kod ASA banke, Zenica, u jednakim mjesečnim ratama u iznosu od po 2.916,65 KM.

Član 4.

(Provođenje Odluke)

Zadužuju se Ministarstvo za rad, socijalnu politiku i izbjeglice, Ministarstvo finansija i JU „Penzionerski dom sa stacionarom“ Zeničko-dobojskog kantona, da realizuju ovu odluku, svako u okviru svojih nadležnosti.

Član 5.

(Izvještavanje)

Obavezuje se JU „Penzionerski dom sa stacionarom“ Zeničko-dobojskog kantona da izvještava Ministarstvo za rad, socijalnu politiku i izbjeglice o utrošku doznačenih sredstava i obimu pruženih usluga, a prema dinamici doznake sredstava iz člana 3. ove odluke.

Član 6.

(Stupanje na snagu)

Odluka stupa na snagu danom donošenja, i biti će objavljena u „Službenim novinama Zeničko-dobojskog kantona“.

Broj: 02-14-4841/19

Datum, 25.03.2019. godine

Zenica

PREMIJER

Miralem Galijašević

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija,

1x JU „Penzionerski dom sa stacionarom“

Zeničko-dobojskog kantona (putem ministarstva),

1x “Službene novine Zeničko-dobojskog kantona”,

1x a/a.